

Fonda kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida – Sarajevo (skraćeni naziv: Fond memorijala), ul. Širokac 22., koga zastupa direktor Suad Zijadić, prof. (u daljem tekstu: Ugovorni organ)

i

Društvo za usluge, trgovinu i proizvodnju „ĐIKIĆ“ d.o.o. Sarajevo, sa sjedištem u Sarajevu-Stari Grad, ul. Talirevića br. 32, ID broj:4200008640002, PDV broj:200008640002, koga zastupa direktor Đikić Faik (u daljem tekstu: Dobavljač)

Zajednički naziv za Ugovornog organa i Dobavljača je UGOVORNE STRANE.

zaključili su u Sarajevu, dana 24.12.2018.godine

## UGOVOR o redizajnu i hostingu internet prezentacija

### I PREDMET UGOVORA

#### Član 1.

Predmet Ugovora je redizajn i hosting internet prezentacija Fonda memorijala, a sve prema Specifikaciji Ugovornog organa, dostavljenoj Dobavljaču uz Zahtjev za dostavljanje ponude, broj: 13-49-518/18 od 06.12.2018. godine, i prema Ponudi Dobavljača broj: 151-SW/18 od 13.12.2018.godine, koje čine sastavni dio ovoga ugovora.

### II CIJENA I NAČIN PLAĆANJA

#### Član 2.

Vrijednost usluga iz predmeta ovog ugovora bez PDV-a iznosi	4.480,00 KM
Vrijednost PDV-a	761,60 KM

Ugovorne strane su saglasne da ukupna vrijednost ugovora iznosi

**5.241,60 KM**

(slovima: pethiljada dvijestotine četrdesetjedna i 60/100KM)

#### Član 3.

Ugovorni organ se obavezuje da će se plaćanje izvršiti u zakonskom roku po obavljenoj usluzi i prema ispostavljenoj fakturi.

### III ROK

#### Član 4.

Ugovorne strane su saglasne da je rok izvršenje usluga 90 /devedeset/ dana od dana obostranog potpisivanja ugovora.

### IV OBAVEZE UGOVORNIH STRANA

#### OBAVEZE DOBAVLJAČA

#### Član 5.

Dobavljač se obavezuje da:

- će pružiti usluge navedene u članu 1. ovog Ugovora, u svemu prema Specifikaciji Ugovornog organa i prihvaćenoj Ponudi br. 151-SW/18 od 13.12.2018.godine, a koje čine sastavni dio Ugovora,

- će usluge koje su predmet ovog Ugovora izvoditi u skladu sa važećim zakonskim propisima, normativima i standardima za ovu vrstu posla,
- usluge pruža kvalifikovanom radnom snagom sa potrebnim iskustvom za ovu vrstu posla,
- da rukovodi izvršenjem svih usluga;
- će predmet ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene usluge,
- će usluge iz člana 1. ovog ugovora obaviti odgovorno, stručno i ažurno i u slučaju da prouzroči štetu Ugovornom organu ili je za nju odgovoran, podmiriti sve troškove koji su zbog toga nastali.

## **OBAVEZE UGOVORNOG ORGANA**

### **Član 6.**

Ugovorni organ se obavezuje da:

- po dogovorenom terminu i planu Dobavljača uvede u posao što podrazumijeva obezbeđenje svih potrebnih uslova za nesmetano obavljanje posla.

## **V RJEŠAVANJE SPOROVA**

### **Član 7.**

Ugovorne strane su saglasne da će sva eventualna sporna pitanja rješavati sporazumno u duhu međusobnog razumjevanja i dobrih poslovnih običaja.

### **Član 8.**

Ukoliko Ugovorne strane ne postignu sporazumno rješenje za rješenje spora nadležan je sud u Sarajevu.

## **VI VAŽENJE I RASKID UGOVORA**

### **Član 9.**

Ugovor se zaključuje na određeno vrijeme, na period od 12 /dvanaest/ mjeseci, računajući od dana obostranog potpisivanja ugovora, uz mogućnost pismenog otkaza bilo koje strane. Otkazni rok iznosi 30 dana.

### **Član 10.**

Ugovorene strane su saglasne da Ugovorni organ može prekinuti ovaj ugovor bez otkaznog roka u slučaju da Dobavljač ne ispunjava odredbe iz ovog ugovora ili ako Ugovorni organ ustanovi da Dobavljač nemarno obavlja svoje usluge.

## **VII OSTALE ODREDBE**

### **Član 11.**

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

### **Član 12.**

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima

### **Član 13.**

Ugovorne strane u znak razumijevanja i prihvatanja odredbi ovog ugovora, vlastoručno ga potpisuju.

### **Član 14.**

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

**Član 15.**


Ugovor je sačinjen u 4 (četiri) istovjetna primjerka, od kojih svakoj ugovornoj strani pripadaju po 2 (dva) primjerka.

**ZA UGOVORNI ORGAN**

**DIREKTOR**

Suad Z [redacted] prof.

Broj:13-14-02-518/18  
Sarajevo, 24.12.2018. godine



**ZA DOBAVLJAČA**

**DIREKTOR**

**Đikić Faik**

Sarajevo,



Fond Kantona Sarajevo  
za zaštitu i održavanje grobalja  
šehida i poginulih boraca  
Širokac 22  
71000 Sarajevo

Predmet: Ponuda za redizajn i  
hosting internet prezentacija Fonda  
memorijala  
BROJ: 151-SW/18  
Sarajevo, 13.12.2018  
Kontakt osoba: Faik Đikić  
Kontakt telefon: (033) 268-660  
Kontakt e-mail: info@djikić.com

Poštovani, u skladu sa vašim zahtjevom za ponudu za „redizajn i hosting internet prezentacija Fonda memorijala“, a prema informacijama o potrebnim uslugama, dostavljamo vam ponudu koja obuhvata slijedeće:

1. Zakup domena memorijali.ba i mmckovaci.ba
2. Godišnji hosting za web prezentacije na domenima heroji.ba, tunelspasa.ba, ratnadzamijaigman.ba, dasenezaboravi.org.ba, dbs.dasenezaboravi.org.ba, memorijali.ba i mmckovaci.ba
3. Redizajn stranice dasenezaboravi.org.ba
4. Izrada osnovnih stranica (landing pages) za domene memorijali.ba i mmckovaci.ba

Cijena navedenih usluga iznosi 4480,00 KM bez PDV-a (5241,60 KM sa PDV-om) i to kako slijedi:

1. Zakup domena memorijali.ba i mmckovaci.ba 120 KM+PDV (60 KM \*2)
2. Godišnji hosting 1630 KM+PDV  
CPU: six cores  
Intel® Xeon® E5-2620v3, E5-2630v4 or 4114 processor  
16 GB RAM  
400 GB disk space (100% SSD)  
UNLIMITED traffic  
400 Mbit/s port
3. Redizajn stranice dasenezaboravi.org.ba 2430 KM+PDV
4. Izrada landing pages za domene memorijali.ba i mmckovaci.ba 300 KM+PDV (150 KM\*2)

Usluge pod rednim brojem 3 i 4 će biti izvedene na način da podržavaju naknadnu višejezičnost ali je neće uključivati u ovoj fazi. Održavanje stranica i servera (izmjene, nadogradnje i slično) nisu obuhvaćene ovom ponudom.

U nadi da ćemo ostvariti saradnju,  
s poštovanjem  
Dikić Faik, direktor

